

মায়াবনবিহারিণী হরিণী
 গহনস্বপনসঞ্চারিণী,
 কেন তারে ধরিবারে করি পণ
 অকারণ ।

থাক্ থাক্, নিজ-মনে দুরেতে,
 আমি শুধু বাঁশরির সুরেতে
 পরশ করিব ওর প্রাণমন
 অকারণ ॥

চমকিবে ফাগুনের পবনে,
 পশিবে আকাশবাণী শ্রবণে,
 চিত্ত আকুল হবে অনুখন
 অকারণ ।

দূর হতে আমি তারে সাধিব,
 গোপনে বিরহড়োরে বাঁধিব—
 বাঁধনবিহীন সেই যে বাঁধন
 অকারণ ॥

Parjaay: Shyama, Taal: Kaharwa, Raag: Iman-Kalyan
 Visit www.geetabitan.com for notation and other detail